

宛陵先生集

二



宛陵先生集目錄卷第五十二

和永叔看竹

較藝呈禹玉

再和

和禹玉答永叔

和禹玉贈永叔

和永叔戲答持燭

重答和永叔

又依韻

和答永叔海棠

春雨呈主文

謝鵬和公儀

較藝將畢和禹玉

和公儀送白鵬

書事和韓子華

明經試大義

和永叔出省有日

和禹玉定號

和永叔寄張桂州

觀中樂書大字

同永叔和酬張淳叟

上馬和公儀

杜太師挽詞

送方云下第

送張待制知越州

送甥蔡駟下第

送唐紫微知蘇臺

韓持國遺洛筍

萊宣遺酒

送王寺丞睢陽幙

韓玉汝遺油

王幾道遺古瓦硯

送咸陽王主簿

和諸公觀予石榴花

送史供奉

呂晉叔遺新茶

送畢錫臨卽簿

和公儀觀舞及畫

目錄終

宛陵先生集卷第五十二

宋宛陵梅堯臣聖俞著

刑部廳看竹效孟郊體和永叔

用其韻

蒼蒼庭中竹事莫歎遲速不同欄下草一歲一
迴綠朝開花照曜暮落風相逐何如飽霜雪冬
夏森寒玉誰將種官舍本合近巖屋不可一日
無蕭灑看未足阮生豈其愚林中醉醺醺我當
明月時移床來此宿

較藝和王禹玉內翰

分庭答拜士傾心却下朱簾絕語音白蟻戰來
春日暖五星明處夜堂深力槌頑石方逢玉盡
撥寒沙始見金淡墨榜名何日出清明池苑可
能尋

再和

廉纖小雨破花寒野雀爭巢鬪作團手卷白雲
光引素舌飛明月響傾盤羣公錦繡爲腸胃獨
我塵埃滿肺肝強應小詩無氣味猶慙白髮厠
郎官

謝永叔答述舊之作和禹玉

天下才名罕有雙今逢陸海與潘江筆生造化
多多辨聲滿華夷一一降金帶繫袍迴禁署翠
娥持燭侍吟窓人間榮貴無如此誰愛區區擁
節幢

較藝贈永叔和禹玉

今看座主與門生事事相同舉世榮並直禁林
司詔令又來西省選豪英飛龍借馬天邊下光
祿供醪月底傾食葉蠶聲句偏美當時曾記賦

將成

戲答持燭之句依韻和永叔

盧仝只有赤脚婢吏部曾吟似笑仝紅燭射眸
從結客清歌帖耳苦憐翁歸時雖已過寒食芳
物猶能逐暖風但點紗籠續清夜西園遊興古
何窮

重答和永叔

我家唯有一團月掛在颼颼草屋東玉兔已爲
公取玩更休窺望桂叢中

又依韻

多病相如不復云更何曾有卓文君
他時我向會稽去只是荆釵與布裙

刑部廳海棠見贈依韻答永叔二首

搖搖墻頭花萼萼有好色高枝笑粲粲
低枝明皦皦但與風相撩不與風相得
風吹莫苦急游子歎日昊彭祖與顏回
相去猶瞬息每觀形影篇曷在神所釋
不可廢我吟畢竟焉免白

搖搖墻頭花一一如舞娥春風買艷逸
艷逸此

何多不爲遊蜂撓卽爲狂蝶過日光苦給給曾
叟白波波人生若朝菌不飲柰老何楊雄寂寞
居豈若阮生歌

春雨呈主文

蛟龍上漢魚潛動梁棟生雲鷲未知風點稍聞
寒瓦急玉條初向畫簷垂何郎夜聽應逢句謝
眺朝觀必有詩老大莫將文字因爲公牽強不
勝疲

謝鵬和公儀

聞有白鵬夢遂作白鵬詩詩記白鵬語意公於
鶴私公意無薄厚爾將聽我辭朝給一瓢水晝
給一盞糜曾不令爾渴曾不令爾饑事事不異
鶴安得於鶴疑鶴鳴爾不和鶴舞爾不隨無以
一供悅飽食番頑癡公所念爾久李白當畜之
白固有篇詠公偶未暇爲遣爾心不平謂此鈍
見遺我持爾此意請公吟莫遲公便納我言濡
筆灑淋漓書爾在南方野羽霜雪披弄啄紅豆
實飛上桄榔枝翡翠不敢顧孔雀不敢窺將擬

是白鳳脩尾晝連漪
虺頸而雞首
戔戔如有儀
而今與鶴爭
此識固已早
公初待爾厚
鵬兮知
不知

較藝將畢和禹玉

窓前高樹有棲鵲
記取明朝飛向東
家在望春
門外住身居華省
信難通
夜聞相府催張榜
曉聽都堂議奏中
龍閣鳳池人漸隔
猶因朝謁望
鰲宮

送白鵬與永叔依韻和公儀

致鵬猶恐鵬饑渴細織筠籠小瓦缸玉兔精神
憐已久金鑿人物世無雙休爭白鶴臨清沼且
律鳴雞向綠窓美羽奇毛有多少爾身高穩勝
他邦

書事和韓子華舍人

見憑蝴蝶過墻飛却夢翩然入綺闌欲撲翅輕
縈不住覺時疑有粉沾衣

明經試大義多不通有感依韻和范景

仁舍人

明經與進士皆欲取公卿自是俗儒陋非於吾
道輕昔由羔鴈聘今乃草萊并不措一辭去緣
何祿代耕

出省有日書事和永叔

辭家綵勝人爲日歸路梨花雨合晴庭下鞦韆
應未拆籠中鸚鵡卽聞聲千門走馬將看勝廣
市吹簫尚賣錫已是瓊林芳草晚不須遊處避
門生

定號依韻和禹玉

言出君門日遙聞紫禁鍾詔書中使降駿馬上
閑供天下持平手毫偏不置胷文從有司較卷
是近臣封勝陣無容敵精兵已善攻明朝當奏
號鴛鷺看歸雝

寄桂州張諫議和永叔

桂林太守幾時行泛汴桃花浪已騰目極雲陰
低遠樹夜寒風急亂春燈巢鳴翡翠愁無限水
宿鴛鴦冷不勝陽朔山前好峰嶺爲公憐愛萬
千層

觀張中樂書大字

芝旭馳名世有孫大書如曉過秋原長松怪栢
皆成炭豫氏觀傍不解吞

張淳叟獻詩求叔同求叔和之

張君獻詩詩詞巧美女插花嬌醉春公答七言
夸筍寄我無千里學騏驎夜吟謝眺澄江練露
濕陶潛漉酒巾歸去應將錦囊貯已勝珠玉莫
愁貧

上馬和公儀